

Vågå Historielag: Årsmelding 2020

Arrangement

Historielaget har i samarbeid med Gudbrandsdalsmusea hatt fleire foredrag / kveldssetto i Jutulheimen. Astrid Sæther hadde foredrag om „Ibsen og Vågå“, Johan Storm Munch om „Ole Bull og Vågå“ og Ole Kristian Ødegård om „Skia som var med og forme Norges Selvstendighet.“ Om sommaren var det konserter med museumsspelemenn og med Bente Akslen Hagen med venner. Vidare var det foredrag av Jakup Skjedsvoll om framveksten av Skårvangen, Jon Preststulen og Eirik Haugen om krigen, Knut Arild Teigum om gamle våpen og Arild Teigen om falne dølar. Gunnar Sandbo tok ei reise gjennom Vågå med gamle postkort. Historielaget har bistått nasjonalbiblioteket om gamle spelefilmar, og i samband med dette vart spelefilmen „Liv“ vist i Jutulheimen.

Historielaget har hatt arrangement utanom Jutulheimen også. Martin Kleiven fortalte om gamle gravsteinar på kyrkjegården. Ellers vart fleire planlagde arrangement avlyste p.g.a. pandemien.

Jutulheimen

Det er Gudbrandsdalsmusea AS som står for drifta av Jutulheimen. Vågå Historielag er aksjeeigar i Gudbrandsdalsmusea AS og er aktivt med i planleggjring og drøfting av vedlikehald, drift og utstillingar. Med støtte frå Norsk kulturråd og Stiftelsen UNI er det utført sikringstiltak med alarmar og utvendig ljóssetjing. Restaurering av purkehuset er godt i gang. Ein del krattrydding og småvedlikehald er utført på dugnad. Innkjøp av robotklippar har gjort plenslåtten enklare, tilsyn av klipparen samt kantslått m.m. er utført på dugnad.

Prestgarden

Delar av hovudbygningen er utleigd til husflidslaget som har stor aktivitet der. Gudbrandsdalsmusea AS har hatt sommarutstilling i hovudbygningen. Det er i året lagt inn elektrisk strøm i vedskålen og eldhuset. Vidare har det vore litt vedlikehald av paktarhuset som har vore brukt til kafe. Låven og fjøset har vore brukt til utstillingar. Kommunen har prosjektleiar for å få til aktivitet i prestgarden, historielaget har delteke i utviklingsarbeidet. Kommunen er hovudaksjonær i aksjeselskapet Ullinsvin drift AS, historielaget og husflidslaget har mindre eigardelar. Det er Ullinsvin drift AS som har stått for drift av galleri og kafe. Ullinsvin hadde svært mange besøkjande dette året.

Prestgardshågein

Hagegruppa i historielaget er organisert slik at ansvar for stell, luking, vatning mm. er fordelt for kvar veke. Også plenklipping samt raking og rydding både i hagen og på tunet er utført på dugnad. Hagen har fungert godt som ein del av tilbodet i Ullinsvin saman med utstillingane. Kari Hølmo Holen (leiar), Magnhild Råstad og Livø Hosar har leiinga av hagegruppa.

Ullinsvin AS

Det heileigde selskapet Ullinsvin AS er eigar av nybygget i prestgarden. Det er i året motteke gåveforsterking frå kulturdepartementet for gåver motteke året før til finansiering av byggjinga. Kjellaren husar museumsmagasin og arkiv, og dette er teke godt i bruk i 2020.

Gudbrandsdalsmusea AS står for drifta av magasinet. Ullinsvin drift AS brukar utstillingsbygget. Ullinsvin AS har same styre som historielaget.



Laget elles

Frå årsmøtet 11. mars 2020 har styre vore dette:

styreleiar Knut Raastad, nestleiar Dag Aasheim, styremedlemmar Rønnaug Siem Hammer, Steinar Løkken og Elin Grev, varamedlemmar Ola Stokstad, Jens Hagen og Monika Øyen. Det har i året vore 11 styremøter, og varamedlemmane møter på lik line med styremedlemmane. Laget har 430 medlemmar.

Revisorar er Astrid Sandbu og Gunnar Sandbo.

Valnemnd er Anne Grøsland, Jonny Brenden og Live Hosar.

Trond Ole Haug er styremedlem i Gudbrandsdalsmusea as.

Jens Hagen er styremedlem i Ullinsvin drift AS.

Historielaget er medlem i Gudbrandsdal historielag Dølaringen, Knut Raastad er revisor der. Nils Valde styrer heimesida vaagaa-historielag.org og skannar og legg ut innsamla gamle biletar. På heimesida er det ei mappe med gards- og slektshistorie. Arbeidet med sæterhistorie held fram.

God oppslutning om frivillige medlemspengar gjer utgjeving av årsskriftet Jutulen mogleg med utsending til alle medlemmane, i tillegg er skriftet utlagt for salg. Historielaget kostar pynting av gravene til Ivar Kleiven, Trond Eklestuen og Jo Gjende.

Pulløybua er bortleigd som anneks til nabohytta. Nordheradsprosjektet disponerer Flåten.

Buene ved Gjendeosen vil kunne lånast ut til historielags-medlemmar. Styret takkar samarbeidspartar og medlemmar i laget for god hjelp og støtte i året 2020.